

Broj:01- 02/2-1724/24 SK/MJ
Sarajevo, 22.07.2024. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM**

n/r gđin Dragan Mioković, predsjedavajući
n/r gđin Admir Čavalić, poslanik

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r gđa Edita Kalajdžić, sekretar**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:		22-07-2024	
Org. jed.	Broj	Priloga	Vrijednost
05/1	-02-	381	24

Predmet: Odgovor na inicijativu, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-381/24 od 27.06.2024. godine i akt sekretara Vlade Federacije Bosne i Hercegovine, broj: 03-04-1204-29/2024 od 03.07.2024. godine

Poštovani,

Aktima broj i datum veze, Federalnom ministarstvu rada i socijalne politike dostavljena je inicijativa, koju je na 12. redovnoj sjednici Predstavničkog doma Parlamenta Federacije Bosne i Hercegovine, održanoj 26.06.2024. godine, podnio Admir Čavalić, poslanik u Predstavničkom domu Parlamenta Federacije Bosne i Hercegovine, a koja glasi: „*Da se izradi jedinstveni registar – Socijalna karta za FBiH*”. S tim u vezi, sa aspekta nadležnosti Federalnog ministarstva rada i socijalne politike, dajemo sljedeći odgovor:

Programom rada Vlade Federacije Bosne i Hercegovine za 2024. godinu, a u sklopu normativnih aktivnosti Federalnog ministarstva rada i socijalne politike, već je predviđena izrada Zakona o socijalnoj karti Federacije Bosne i Hercegovine. Nadalje, u sklopu Strategije razvoja sistema socijalne i dječije zaštite u Federaciji Bosne i Hercegovine (2024-2030. godine), koja se trenutno nalazi na Parlamentu Federacije Bosne i Hercegovine, čekajući razmatranje i usvajanje, jedan od ključnih strateških projekata su „Socijalne karte u lokalnim zajednicama”. Predmetni strateški projekat je u funkciji rješavanja uočenog ključnog razvojnog problema vezanog za nepostojanje jasnog i preciznog uvida u socio-ekonomske uslove koji karakterišu jedinice lokalne samouprave na području Federacije, kao i njihovo stanovništvo, što u znatnoj mjeri otežava bilo kakvu mogućnost kreiranja adekvatnih ekonomskih i socijalnih mjera bilo

na kantonalnom bilo na federalnom nivou. U tom kontekstu neophodno je utvrditi i propisati jedinstvenu metodologiju za izradu socijalnih karata u lokalnim zajednicama s ciljem kreiranja jasnije slike o stepenu socio-ekonomske razvijenosti ne samo jedinica lokalne samouprave, nego i kantona i Federacije u cjelini, te tako stvoriti pretpostavke za izradu i sprovođenje ciljanih i efikasnih programa podrške slabije razvijenim jedinicama lokalne samouprave i ugroženim kategorijama stanovništva, koji ne moraju biti isključivo vezani za socijalnu politiku i socijalnu zaštitu, već mogu i trebaju obuhvatati i druge oblasti i politike kao što su demografska, zdravstvena, obrazovna, radna, kulturna, migracijska, itd. Izrada socijalnih karata u lokalnim zajednicama bi stvorila osnove za dalja mapiranja potreba stanovništva, te obezbijedila ulazne podatke koji bi bili osnova za mjerenje napretka ili pomaka u određenim sferama društvenog razvoja. Nositelj izrade jedinstvene metodologije za izradu socijalnih karata u lokalnim zajednicama bi bilo Federalno ministarstvo rada i socijalne politike u saradnji s nadležnim kantonalnim ministarstvima i jedinicama lokalne samouprave, te u konsultacijama s Federalnim zavodom za programiranje razvoja i Federalnim zavodom za statistiku, ali i uz podršku međunarodnih organizacija. Izradu socijalnih karata prema naprijed navedenoj jedinstvenoj metodologiji sprovodile bi jedinice lokalne samouprave. Sredstva za realizovanje ovoga strateškog projekta obezbjeđuju se u budžetima svih nivoa vlasti u Federaciji, ali i iz međunarodnih fondova, programa i projekata uz participiranje relevantnih organizacija civilnog društva.

S poštovanjem,



Dostavljeno:

- naslovu
- a/a